



Brev dato: 26-05-2026

Inatsisartunut ilaasortamut  
Mette Arge-Hammeken, Naleraq

Postboks 1614  
3900 Nuuk  
Tlf. (+299) 34 50 00  
E-mail: nap@nanoq.gl  
www.naalakkersuisut.gl

**Amerikamiut Kalaallit Nunaanni sakkutooqarfii pillugit § 37 naapertorlugu  
apeqqut nr. 072-mut akissut**

Asasara Mette Arge-Hammeken

Ulloq 15. maj 2026 Inatsisartut Suleriaasianni § 37, imm. 1 naapertorlugu  
Naalakkersuisunut apeqquteqarputit. Apeqqutitit unannut akineqartussanngorlugit  
innersuunneqarput.

1. Nunatsinni sakkutooqarfiit nutaat USA-p isumaqatiginninniutigisai  
qanoq ingerlappat?
  - a. Qanoq imaqarpa?
  - b. Suut anguneqarpat?
  - c. Suut isumaqatigiissutigineqarpat?
  - d. Kikkut isumaqatiginninniarpata?
  - e. Nunatsinniit peqataasoqarpa?
2. Sakkutooqarfissat taakku nunatsinni sumiinniarpata?
3. Qanoq nunatsinnut sunniuteqarniarpata?
  - a. Qanoq nunatsinni kinguneqarniarpata?
  - b. Innuttaasunut qanoq kinguneqarniarpata?
  - c. Sutigut nunatsinni iluaqutaasussaappat imaluunniit  
akornutaaniarpata?
  - d. Sakkutooqalerpata sakkutuut qanoq amerlatigisut  
nunatsinniittalissappata?
4. Nunarput peqataatinnagu aalajangiinerit pippata?
  - a. Aappiuppat sooq peqataatinneqanngillat kalaallit  
nunaanneersut aalajangeeqataasussat  
isumaqatiginniaqataasussat?
5. Nunarput sakkulersorfiusussaava?
6. Nunarput sakkutooqarfiusussaava?

**Akissut:** Kalaallit Nunaata, Danmarkip USA-llu akornanni suleqatigiissitami oqaloqatigiinnerit nunanit pingasunit tamanit atorfilittanik qaffasissunit peqataaffigineqartut, matoqqasumik ingerlanneqarput. Kalaallit Nunaanni inatsisartut oqaloqatigiinnerit pillugit Inatsisartut Nunanut allanut Sillimaniarnermullu Ataatsimiititaliaanni ilisimatinneqartarput.

Naalakkersuisut suleqatigiissitami inissisimanerat suli inuiaat kalaallit namminneerlutik imminnut oqartussaaffiginerannik ataqqinninnermik kiisalu Kunneqarfiup namminersortuuneranik piffiillu innarligassaannginnerannik ataqqinnittumik nissisimavoq. Peqatigisaanik kalaallit Nunaata illersornissap nukittorsarnissaanik Issittumilu isumannaatsuunermik USA-mik suleqateqarnissamik piareersimavoq.

Illersornerup Issittumilu sillimaniarnerup nukittorsarneranik suleqatigiinnermik periarfissanik qulaajaanermut atatillugu Kalaallit Nunaanni sakkutooqarnikkut alapernaarsuinerit misissueqqissaarnerillu ingerlanneqarput. Sakkutooqarnikkut ingerlatat tamakku U.S. NORTHCOM-ip, Forsvarskommandop kalaallillu oqartussaasuisa akornani qanimut ataqatigiissarneqarlutik ingerlanneqartarput, tassani Naalakkersuisut ilanngullugit.

Apeqqutini sakkutooqarnikkut Kalaallit Nunaanni najuunnerup nukittorsarneqarneranut tunngasuni, Naalakkersuisut Kalaallit Nunaani innuttaasut akuutinnissaat qulakkeerniarpaat.

Inussiarnersumik inuulluaqqusillunga



Mute Bourup Egede